

中國方志叢書·華北地方·第五五八號

據

民國·焦國理總纂，賈秉機總編
民國二十四年鉛印本

影印

甘肅省

重修鎮原縣志

(六)

成文出版社有限公司印行

中華民國六十五年 月臺一版

重修鎮原縣志

全六冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修鎮原縣志卷之十六

大事紀上

傳曰國之大事在祀與戎鎮原爲自古用兵地則戎事皆爲史料矣漢唐建都長安以鎮原爲屏障宋與西夏交兵以鎮原爲戰場元亡王保保據原州明末李自成寇鎮原民國成立以來黃得貴與佟麟閣戰於蕭金鎮陳圭璋與楊萬青戰於蓮花池他如赫連勃勃謀取關中以安定爲東道主唐天寶後吐蕃城故原州而居之如此類者不可勝數甘肅之要在平涼平涼之要在原州古人所言洵不虛哉夫甘肅爲史料最富之區而亦爲最不善保存歷史之國卽以鎮原而論保存修史之資料亦殊未易每發生一次戰事縣

大事紀上

蘭州俊華印書館排印

署檔案私家紀載湮沒不知凡幾清章實齋以方志爲國史要刪之說識度
寬絕確乎其不可拔矣留心鎮原戎事者將欲搜悉近事勢不得不摭拾遠
因以爲印證之助以爲保存地方史料之紀載僅就歷史所載父老所聞拉
雜記之後有作者庶有根據焉

周

卯己

武王十有三祀興師伐殷盧彭人從

先是殷辛二十祀西伯昌薨世子發嗣是爲
周武王至是將伐紂大會諸侯於孟津徇師

而誓盧彭
人從焉

案盧古盧戎國今平涼華亭縣都盧山古城是彭國名在今鎮原縣境漢安定郡彭陽縣
卽古彭戎國考書舊傳彭盧在周西北周都岐山盧戎國在其東彭戎國在其西素所服
從武王伐殷乃
受約束而戰

案東華錄甘軍視天下爲最強有時出境征戎明以前無論矣清乾隆四十六年兵燹後訓練日精以之平川楚教匪平陝西山賊平河南滑縣平新疆喀什噶爾平江南洪秀全用蘭州兵多有功宣統三年陸洪濤馬安良率兵援陝其先聲亦足奪人而孰知其數千年前武王伐殷盧彭人已隨而東行是爲甘軍出征之始

慕少堂曰甚矣黃種人之少也觀周之伐殷可見一斑矣夫革命之師必素所親信同一系統而又幾經訓練適彼殷郊始可操必勝之權今讀泰誓一篇除少數軍官外隴人之從征者西羌而已盧戎彭戎而已豈皆黃帝之子孫哉

甲戌宣王元年玁狁入寇命尹吉甫逐之於大原

時北狄玁狁逼近京邑岐豐之間不無震驚王命吉甫帥師征伐逐之大

原有功王室於是乎作六月之詩

案六月之詩玁狁匪茹整居焦穫侵鎬及方至于涇陽爾雅釋地十藪周有焦穫括地志焦穫亦名剗口亦曰剗中在雍州涇陽縣城北十數里注者謂在今陝西涇陽縣誤史記匈奴列傳犬戎與申侯共攻殺周幽王於驪山下遂取周之焦穫而居於涇渭之間是焦穫在今隴東鎬卽鎬京劉向謂千里之鎬玁狁所侵當在平涼之北方卽朔方與北地安定諸郡毗連涇陽漢縣屬安定郡見後漢書注俗儒只知陝西涇陽並焦穫亦屬之可謂癡人說夢

大事紀上

蘭州俊華印書館排印

又案顧炎武日知錄薄伐玁狁至于大原毛鄭皆不詳其地其以爲今太原陽曲縣者始於朱子而愚未敢信也古之言大原者多矣若此詩則必先求涇陽所在而後大原可得而明也漢書地理志安定郡有涇陽縣開頭山在其西禹貢涇水所出後漢書靈帝紀段熲破先零羌於涇陽注涇陽縣屬安定在平涼郡縣志原州平涼縣本漢涇陽縣地今縣西四十里涇陽故城是也然則大原當即今平涼之北原後魏立爲原州亦是取古大原之名爾計周人之禦玁狁必在涇原之間若晉陽之太原在大河之東距周京千五百里豈有寇從西來兵乃東出者乎故曰天子命我城彼朔方而國語宣王料民於大原亦以其地近邊而爲禦戎之備必不料之於晉國也又按漢書賈捐之言秦地南不過閩越北不過大原而天下潰畔亦是平涼而非晉陽

慕少堂曰甘肅自古爲用兵之地周宣王時玁狁內侵至于涇陽涇陽者涇水之陽今隴東平涼縣至是去鎬京不遠矣宣王命尹吉甫伐之實我中國民族中古時代對外一大事詩經史記竹書紀年皆僅寥寥數語其將帥兵數戰戰略線曾無一言及此且生於數千載之後欲研究乎數千載以前難矣近人王國維舉茲役之闕略不可考者詳細考出歷歷如繪果何所據而云然耶蓋自小孟鼎號季子白盤不賡敦梁伯戈諸彝器出經學者爬羅搜剔此玁狁考之所由作也夫西周至今史料湮沒久矣得金文而考證焉其中甚多新解原文見雪堂叢刻

丑癸

宣王四十年伐姜戎乃料民於大原

姜戎四岳之裔初居瓜州後徙中土初王伐姜戎敗績於千畝乃料民大原仲山甫諫王

卒料之

顧炎武曰戎之爲患甚矣哉宣王之世雖號中興三十三年王師伐大原之戎三十八年伐條戎奔王師敗逋三十九年伐羌戎戰於千畝王師敗逋四十年料民於大原其與後漢西羌之叛大略相似幽王六年命伯士帥師伐六濟之戎王師敗逋於是關中之地戎得以整居其間而陝東之申侯至與之結盟而入寇蓋自穆王遷戎至此一百七十六年昔日所內徙者今則大爲邊患西戎方强王室方騷其所由來非一日故矣

慕少堂曰宣王三十九年伐姜戎所以敗績者兵未精耳至是料民大原料者簡料其數大原今鎮原縣也以天子之尊而親料邊兵何勤苦乃爾蓋宣王鑒於千頃之敗知軍事宜豫爲措注憑要害以格戎狄長驅之勢不難命將出師決勝千里外矣惟未雨綢繆非經營數年不爲功且必有精練之步兵與騎兵互相聯絡方收實用宣王見之遠慮之深制夷之術其在是乎仲山甫之諫未免多此一舉矣

漢

乙亥文帝十四年冬匈奴單于入朝那蕭關焚回中宮殺北地都尉卬姓孫後封其子單為鉞侯

至彭陽遣將軍張相如擊之匈奴老上單于率十四萬騎入寇入朝那蕭關殺北地都尉孫卬至彭陽燒回中烽火通長安帝親勞軍又遣

三將軍軍隴西北地上郡已張相如變布等追擊匈奴出塞即振旅而還

案古朝那城以朝那湫得名在鎮原之東高原上秦之北境也秦惠文王沈詛楚文於朝那湫漢初匈奴復收蒙恬所奪匈奴故地南至朝那文帝時匈奴入犯朝那蕭關唐大歷

中吐蕃下青石嶺軍於那城八年吐蕃攻黃萇原郭子儀使渾城引兵趨朝那即此蓋漢之朝那城屬安定郡在縣東屯子鎮

又案史記年表注長安東函谷南嶢武西散關北蕭關在四關之中故曰關中史記漢記武帝元封二年通回中道北出蕭關史記索隱高平有險阻蕭關在其北唐大中時收蕭

關為武州宋地理志蕭關東至葫蘆河十五里鎮原縣舊志蕭關在縣西一百四十五里其境有蔚茹水考之陝西通志蔚茹水即鎮原縣大蘆河在鎮原新城鎮西與固原接壤

今割入固原縣稱為蕭關

癸未漢帝玄更始元年秋成紀隗囂起兵應漢攻殺安定大尹王向成紀隗崔隗義同起兵以應漢

後漢

崔兄子囂素有名好經書共推爲上將軍囂聘平陵方望以爲軍師望說囂立廟祀高祖太宗世宗稱臣執事殺馬同盟移檄郡國數莽罪惡勒兵數千人以誅莽爲名擊殺雍州牧陳慶將攻安定安定大尹王向莽從弟也威風獨能行其邦內屬縣皆無叛者囂移書喻以天命向不從囂進兵虜而戮之安定降囂囂自爲朔甯王初保平襄後保冀縣

光武帝

乙酉

建武元年方望以前定安公嬰稱帝於臨涇

平陵人方望見更始政亂度其必敗謂安陵人弓林

等曰前定安公孺子嬰平帝之嗣雖王莽篡奪而嘗爲漢主今皆云劉氏當更受命欲更定大功何如弓等然之乃於長安求得嬰將至臨涇立之望爲丞相林爲大司馬後更始

遣將擊破

皆斬之

案定安漢縣名屬安定郡後廢之故城在陝西延安府甯州城內新莽始建國元年春正月莽廢孺子嬰爲定安公孝平皇后爲定安太后一云定安郡名故城在故慶陽府境內

冬十二月盧芳據安定自稱西平王

芳安定三水人王莽時天下咸思漢德芳因詐稱武帝曾孫劉文伯誑惑安定間莽末乃與三水屬

國羌胡起兵更始至長安徵爲騎都尉使鎮撫安定以西更始敗芳自立爲上將軍西平王與匈奴結利親匈奴迎之立爲漢帝

大事紀上

案三水今靈臺之良原非今邠州三水縣良原在靈臺縣西一名白石原三水縣漢置枸
邑縣屬右扶風晉曰邠邑後漢始改置三水縣東漢時尚無此名稱又廣東惠州府亦有

三水縣

慕少堂曰芳之先非世家大族其身亦無橫草功乘天下亂專權擬王匈奴且立為漢帝
於焉改元紀年枚卜丞相署田颯為朔方太守喬扈為雲中太守舉北地朔方雲中諸郡
皆視為已有矣兵禍延蔓垂十九
年始以病死豈戾氣之所鍾歟

丙 建武二年春正月赤眉入安定北地
長安城中糧盡赤眉燒宮室乃引兵
號百萬轉掠而西遂入安定北地

庚 建武六年詔赦安定北地天水隴西吏人為隗囂所誣誤者

案今人因事而失官者為誣誤當作誣誤此二字亦甚古史記陳豨傳趙代吏人為陳豨
所誣誤劫略者皆赦之後漢書寇恂傳狂狡乘間相誣誤易林履之革云訛言妄語轉為

誣誤皆
作誣

壬 建武八年夏閏四月帝自將征隗囂河西太守竇融率五郡兵與車駕會高

平第一

初隗囂欲連結竇融融不納以書責讓囂武威太守梁統復使人刺殺張玄遂與囂絕囂自知失河西之助族禍將及欲設閒離之說惑亂真心轉相解構以

成其姦又京師百僚不曉國家及邊帥本意多能採取虛僞誇誕妄談令忠孝失望傳言乖實毀譽之來皆不徒然融遂抗厲威武以期應會七年夏以關東盜賊已定大兵聞將西征復上書以促之是年夏車駕西征融率五郡太守及羌虜小月氏等步騎數萬輜重五千餘兩與大軍會高平第一帝使從數道上隴以書招降牛邯囂大將十三人屬縣十六衆十餘萬皆降囂將妻子奔西城帝嘉其忠誠封融爲安豐侯弟友爲顯親侯遂以次封諸將帥武鋒將軍竺曾爲助義侯武威太守梁統爲成義侯張掖太守史苞爲褒義侯金城太守庫鈞爲輔義侯酒泉太守辛彤爲扶義侯封爵既畢乘輿東歸悉遣融等西還所鎮

案東漢郡國志高平有第一城一統志在今鎮原縣東陝西通志與郡國志同建武八年光武征隗囂從高平第一城若水谷入卽此鎮原縣舊志今縣東八十里屯子鎮原東臺苟家地城址猶存卽囂將高峻所據者後魏於此置高平鎮魏孝昌四年万俟醜奴於此稱帝今其地稱万俟垣有碑

甲午 建武十年秋八月寇恂至高平第一隗囂將高峻降

初囂遣峻率精兵萬人據高平第一建威大將軍耿

弇等圍之一歲不拔帝自將征之寇恂諫曰長安道里居中應接近便安定隴西必懷震懼此從容一處可以制四方也今士馬疲倦方履險阻非萬乘之固也前年潁川可爲至

大事紀上

蘭州俊華印書館排印

戒帝不從進幸汧遣寇恂往降之恂至第一峻遣軍師皇甫文出謁辭禮不屈恂怒將誅之諸將諫曰高峻精兵萬人率多彊弩西遮隴道連年不下今欲降之而反戮其使無乃不可乎恂不應遂斬之遣其副告峻曰軍師無禮已戮之矣欲降急降不欲固守峻惶恐即日開城門諸將皆賀因曰敢問殺其使而降其城何也恂曰皇甫文峻之腹心其所取計者也今來辭意不屈必無降心全之則文得其計殺之則峻亡其膽是以降耳諸將皆曰非所及也

和帝

庚子 永元十二年秋七月分徙降羌於安定漢陽隴西三郡 侯霸兵戰降迷唐羌六千餘口

詔分徙於安定漢陽隴西三郡

案漢陽郡名即今秦州漢初置天水郡後漢改為漢陽郡晉復曰天水郡太康七年兼置秦州又成縣西魏廢帝二年改為成州隋大業初復改成州為漢陽郡是在東漢以後名同而其地不同

慕少堂曰西羌陵跨中國結患生人自章帝而後靡世而甯焉斯時也迷唐尙未就擒僅降其種人六千餘非我族類其心必異乃竟徙置內地何計之左也自古急於招安未有不梯禍殃民者觀十四年降羌麻奴叛前車之覆轍豈非後車之明徵哉

安帝

辛亥

永和五年春三月詔安定諸郡內徙

先零羌寇河內百姓多奔渡河詔魏趙常山中山作塢堠六百所羌既轉盛而

安定河西二千石令長多內郡人並無戰守意皆爭上徙郡縣避難朝廷從之遂移隴西徙襄武安定徙美陽北地徙池陽上郡徙衙百姓戀土不樂去舊乃刈其禾稼發徹室屋夷營壁破積聚時連旱蝗饑荒而賊驅蹙劫略流離分散隨道死亡或捐棄老弱或爲人僕妾喪其大半尋以任尙爲御史討破之

案襄武漢之縣名爲隴西郡治所詳見永初四年徙金城都襄武評語美陽今陝西武功縣池陽今陝西涇陽三原地衙今陝西白水縣隴西今鞏昌府安定今鎮原北地今慶陽府上郡今陝西延安府上郡與北地連界北地與安定連界此三郡者徙則俱徙隴西爲四戰之地亦有不得不徙者考永初四年羌寇轉盛兵費日增官負人責數十萬億縣官不足輒貸於民民已窮矣將從誰求龐參奏記於鄧騭曰三輔故縣丘城可居者多宜徙邊郡不能自存者入居三輔轉運遠費聚而近之徵役煩數休而息之此善之善者也後順帝永建四年虞詡上言請復安定北地上郡三郡帝從之秋九月使謁者督徙者各歸本縣繕城郭置堠驛又浚渠屯田省歲費一萬計遂令諸郡儲粟周數年

募少堂曰地者國之本也奈何棄之比年羌亂屠膾蒼生重之以大軍疲之以遠戍而關隴民庶父死子戰舍生命以效前驅者無他樂事漢不肯離鄉井耳一旦舉四郡之地割而棄之強四郡之民徙而遠之人情安土重遷必引領而怨曰國家棄我於羌胡雖赴義從善之人不能無恨讀盤庚上下篇可知其難矣彼謀謨廟堂者何遽出此不善之策乎

大事紀上

蘭州俊華印書館排印

王 永初六年春西羌圍安定征西將軍任尙將諸郡兵擊之敗績馬賢與侯霸掩擊零昌別部羌

於安定首虜千人得驢騾駱駝馬牛羊二萬餘頭以畀得者

癸 永和七年夏騎都尉馬賢與侯霸擊零昌別部牢羌於安定首虜千人得驢騾駱駝馬牛羊二萬

餘頭以畀得者

乙 元初二年安定太守杜恢等拔零羌於丁奚城丁奚城在今靈武縣東花馬池北六十步

丁 元初四年安定羌平自零星狼莫死後諸羌瓦解三輔無復寇警自叛羌十餘年間兵連師老不暫甯息轉運委輸府帑空竭邊民死者不可勝數

遂至虛耗雖安定平靜而湟中漢陽隴西猶多寇云

順帝 己 永建四年秋九月詔復安定三郡虞詡上言安定北地上郡山川險阨沃野千里土宜畜牧水可漑漕頃遭羌亂郡縣

兵荒二十餘年矣棄沃壤之饒捐自然之利不可謂利離河山之阻守無險之處難以爲固今三郡未復園陵單外而公卿選儒計費不圖其安宜開聖聽考行所長從之使謁者

督徙者各歸本縣繕城郭置候驛又浚渠屯田省歲費一萬計遂令諸郡諸粟周數年

辛未 永建六年春馬賢與羌戰敗沒於安定射姑山初帝命馬賢討西羌大將軍梁商以賢老不可用帝不從賢到

軍稽留不進武都太守馬融上疏言賢野次垂幕珍肴雜選兒子侍妾事與古反臣懼賢等專守一城言攻於西而羌出於東且其將士將不堪命必有高克潰叛之變安定人皇

甫規亦見賢不恤軍事審其必敗上書言狀朝廷皆不從至是且凍分遣種人寇武都燒隴關掠苑馬賢將兵擊之至射姑山及二子皆敗沒東西羌遂大合至閏月鞏唐羌寇三

輔燒園陵朝廷始憂

以皇甫規爲中郎將監關西兵安定太守孫儁下獄死東西羌大合爲寇朝廷憂之三公舉規爲中郎將持

節監關西兵安定太守孫儁受取狼籍倚恃權貴不遵法度規到郡界條奏其罪下獄死

桓帝 延熹五年春二月羌復反安定中郎將皇甫規擊破降之上郡沈氏羌寇張掖酒泉

皇甫規發先零諸種羌共討隴右而道路隔絕軍中大疫死者十三四規親入庵廬巡視將士三軍感悅東羌遂降涼州復通規條奏牧守貪暴殺降老不任職倚勢權貴者數人

大事紀上

蘭州俊華印書館排印

或免或誅羌人聞之翕然反善十餘萬口皆謁規降

案續漢書曰羌在上郡西河者沈氏也是爲東羌種號當煎亦東羌後或作煎當安帝永甯元年馬賢討沈氏羌於張掖斬獲甚衆時當煎羌大豪饑五等以賢兵在張掖乃乘虛寇金城是時東羌已入隴矣至桓帝朝東西羌合而爲一則其勢更强矣

靈帝

戊申

建甯元年春正月遣將軍段熲討先零羌六月大破先零於逢義山

羌東

先零等自覆沒馬賢後朝廷不能討數寇三輔皇甫規張奐招之連年旣降矣延熹九年秋七月諸羌復反復以張奐爲護匈奴中郎將督幽并涼州至永康元年東羌岸尾等脅同種連寇三輔至是帝詔問熲上言以爲狼子野心難以恩結帝以熲爲將軍討之熲於是將兵萬餘人齎十五日糧從彭陽直指高平與先零諸種戰於逢義山虜兵盛熲衆皆恐熲乃令軍中長鑱利刃長矛三重挾以强弩列輕騎爲左右翼謂將士曰今去家數千里進則事成走必盡死努力共功名因大呼衆皆應聲騰赴馳騎於傍突而擊之虜衆大潰熲於若水上斬首八千餘級獲牛馬羊二十八萬頭時竇太后臨朝下詔曰先零東羌歷載爲患熲前陳狀欲必掃滅涉履霜雪兼行晨夜身當矢石感厲吏士曾未浹日凶醜奔破連尸積俘掠獲無算洗雪百年之逋負以慰忠將之亡魂功用顯著朕甚嘉之須東羌盡定當並錄功勒今且賜熲錢二十萬以家一人爲郎中勅中藏府調金錢綵物增助

軍需拜類
破虜將軍

案逢義山在涼州高平縣水經注護羌校尉段熲於安定高平若水討先零羌斬首八百級於若水平涼府志高平水一名若水光武征隗囂從高平若水谷入陝西通志高平川水在鎮原縣南二百步源出大隴山若水谷一名若水史策傳訛讀若爲苦爾鎮原又有苦水掌或是

慕少堂曰東羌降於皇甫規者已二萬落而張奐躊躇久不進者蓋虜外離內合兵往必驚耳自永和之中諸羌反叛十有四年用二百四十億永和之末復經七年用八十餘億耗費若此羌寇轉盛雖平靜於西猶盤踞於東芟草雖勞恐其滋蔓潰癰雖痛勝於內傷不再疲民則永甯無期靈帝以騎五千步萬人車三千輛予熲使討羌所費無幾而奏捷高平此足慰仲光馬賢等亡魂也而張奐皇甫規望塵不及矣

獻帝

卯辛

建安十六年春馬超韓遂等起兵與曹操戰於潼關秋超敗走安定

是先

漢獻帝初董卓入關召韓遂馬騰以圖山東騰臨行時命其子超代領其衆遂騰至長安會卓死李傕郭汜張濟樊稠皆自爲將軍遣還獻帝初平四年以騰爲將軍屯鄆建安十三年以騰爲衛尉以騰子超爲偏將軍代統其部曲超與韓遂合從屯兵關中至是曹操遣鐘繇討張魯於漢中大兵西遂超疑襲已乃相扇動超與關中諸將侯選程銀李堪

大事紀上

蘭州俊華印書館排印